

近代中國史料叢刊第十五輯  
沈雲龍主編

駱公年譜

駱秉章自注

文海出版社印行

駱各  
公  
美  
譜

11/28/01

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



前任四川總督額門宮保駱公年譜全冊

年譜公廣東花縣人諱秉章號額門同治六年冬終  
四川任在任六載年七十五歲年譜其自注也

乾隆五十八年 癸丑三月十八日子時生 一歲

六十年 乙卯 三歲

嘉慶元年 丙辰 四歲

三年 戊午 六歲

是年三月出天花幾至不測後得鄭端州姻伯到省請曾華麟  
先生用補藥始得保全十二月開學業師為韶州府仁化縣拔  
貢生譚守讓先生館在安甯里劉宅

四年 己未 七歲

五年 庚申 八歲

此兩年從遊南海戊辰科舉人謝璇軒榜名維璣館在安福里  
口黃宅

六年 辛酉 九歲

七年 壬戌 十歲

八年 癸亥 十一歲

此三年從遊南海宿儒梁平健先生館在深水甌梁家祠十二  
月開筆作破承

九年 甲子 十二歲

是年從遊仁化拔貢譚守讓先生館在天官坊勞家祠冬臘月  
作文已成半篇

十年 乙丑 十三歲

是年作文已成篇

十一年 丙寅 十四歲

此二年從遊南海庠生方西崑先生榜名鉉館在孖樓脚李家  
大廳

十二年 丁卯 十五歲

是年從遊南海甲子科舉人謝晚蘭先生榜名嘉猷館在大墟

平心何公祠

十三年戊辰 十六歲

是年從遊南海方西崑先生館在花樓塘初赴歲考縣試知縣  
間公府試福公學院胡西庚先生

十四年己巳 十七歲

是年從遊南海庠生羅次蘊先生榜名文藻科考縣試間公府

試英公院試胡西庚先生六月聘陳氏順德縣人岳丈召迺興

十五年庚午 十八歲



是年從遊順德庠生張唐衢先生榜名憲祖館在柵下德壽考

十六年辛未 十九歲

是年未出館與羅經文兄同在花樓堂楊依仁堂閣上讀書搭  
羅次蘊先生課歲考縣試花縣閣公廣府試陳公院試程學樵  
先生

十七年壬申 二十歲

是年從遊南海舉人梁植初先生榜名基聖館在萬元里良宰

曹公祠科考縣試花縣閣公廣府試楊公院試程學樵先生取  
進縣學第三名同進學譚蛟鄧秀峯馮履泰宋瀉駱昌葉嘉樹

三  
十八年癸酉 二十一歲

是年出省讀書從遊順德戊辰科進士前任江蘇婁縣知縣蘓韞石先生榜名獻琛

十九年甲戌 二十二歲

是年同何聘才何聘儒兄弟在衙前後街裕源棧房讀書十月娶陳氏

二十年乙亥 二十三歲

是年何聘才何聘儒兄弟在楊依仁堂樓不讀書因病移寓區家塘基

二十一年丙子 二十四歲

是年與鶴山吳裳吳次仁葉以義王唐三在省城光孝寺讀書  
搭蘇韞石先生課科考一等第三名六月補廩學台彭春濃先  
生官名邦疇

二十二年丁丑 二十五歲

是年在康勝街張家廳教讀歲考一等第一名學台傅石坡先  
生官名棠

二十三年戊寅 二十六歲

是年出省從遊蘇韞石先生讀書館在西湖桂陽書院榜後移

寓花地東園十月科考一等第四名

二十四年己卯 二十七歲

是年在孖祠堂霍家祠讀書應己卯科御試中式第五十八名

舉人房師己丑科進士合浦縣知縣齊春溥先生官名元發正

主考丁丑科修撰吳淪齋先生官名其濬河南人官至巡撫副

主考己巳科翰林院編修郭蘭石先生官名尚先福建人官至

大理寺卿八月十五夜陳氏病故又因患病未能會試

二十五年庚辰 二十八歲

是年在太上廟法家祠教讀六月續娶鶴中張氏為繼室岳丈

張文富

道先元年辛巳 一十九歲

是年仍在太上廟洗家祠教讀十月女報杏生十一月請咨北  
上同幫何崑山潤之任次桐元梓譚虹橋應龍潘桂生岑森由  
東路經杭州蘇州揚州

二年壬午 三十歲

是年二月到京會試未第留京六月移寓崇文門內東四牌樓  
高井廟與同年陸寸雲榜名沾榮同住

三年癸未 三十一歲

是年二月

臨雍到國子監觀聽四月榜發報罷偕同年陸寸雲程敬屏名貴

時辛巳科舉人陳蘭階名崇同行由西路回粵路經樊城洞庭

漢口湘潭六月二十五到家

四年甲申 三十二歲

是年租細巷廖家廳教讀二月女報杏痘殤七月先二兄病故

八月三女生

五年乙酉 三十三歲

是年回花嶺嶺在大宗祠教讀四月初十日丁父憂

六年丙戌 三十四歲

是年在金絲行會館教讀

七年丁亥 三十五歲

是年仍在金絲行會館教讀

八年戊子 三十六歲

是年張東生內兄請修書在叶吉書館住十一月請咨北上同

幫程敬屏陳蘭階取道江西浙江江蘇

九年己丑 三十七歲

是年禮闈報罷八月出京同幫己丑科進士即用知縣胡柳塘

名林秀馮侶笙名錫鏞同由東路回粵至十一月抵家在都時  
赴禮部呈請改名

十年庚寅 三十八歲

是年在金絲行教讀九月長子天保生

十一年辛卯 三十九歲

是年在大和里鋪內閑住十一月北上同幫三水舉人梁鐵山

名麟英花縣舉人宋夢樓名樹由西路進京

十二年壬辰 四十歲

是年會試中式壬辰



恩科第六十名進士房師吏部郎中許玉叔先生名球正主考吏部尚書補授大學士潘副主考工部尚書補授大學士穆刑部尚書戴工部尚書朱

殿試二甲第二十七名

朝考入選

欽點翰林院庶吉士

十三年癸巳 四十一歲

是年四月散館授職編修七月大考三等第二十八名八月告假回籍十二月抵家三女許配東華里伍姓

十四年甲午 四十二歲

是年九月納何氏十月起程回京攜小眷由江西陸路取道沙市十二月二十八日抵都暫住虎方橋連升店十二月天生十五年乙未 四十三歲

是年移寓驢駒街衙戶部黎半樵先生名攀錫同住克

國史館協修六月

召見翰詹

詢及廣東夷務因甲午年夷人三根窺入內河經盧制台擊退七月八月間聞天生病故

十六年丙申 四十四歲

是年派充

殿試收卷官

十七年丁酉 四十五歲

是年充

國史館纂修九月光鴻弟到京十一月納崔氏

十八年戊戌 四十六歲

是年移寓賈家衞六月

召見翰詹

垂詢出身履歷及在館差使九月考御史十月記名十一月補授  
江南道監察御史

十九年己亥 四十七歲

是年轉掌江南道監察御史稽查北新倉事務因花戶挪移廢  
座奏叅交刑部嚴辦

二十年庚子 四十八歲

是年充庚子

恩科會試同考官得士吳廷溥等十人庚子科順天鄉試同考官  
得士燕晉等十四人九月兼掌四川道監察御史十月奉

旨稽查戶部銀庫當於二十日到庫接晤四庫官

榮

慶

蘇隆額

察其才具似非認真辦事到庫數次庫官請至庫內設庫事言  
收捐項每百多收四兩昔年成親王稽查三庫奏請歸入公款  
以後每百再加四兩是以捐項每百加四兩是正款今再加四  
兩內二兩歸庫丁二兩歸庫官及查庫御史均沾此事捐生樂  
輸何來如此我等年中在此辛苦以作酬勞我詢以每年各得  
若干伊云約二萬餘金我詢以此款曾經奏明否若奏明我則  
收未經奏明分釐不敢受四庫官語塞皆云閣下不收則弟等  
五人亦收我直言此項如於公事有碍諸公亦我酌量如於公

事無碍弟亦不管弟平生向不受人挾制若我亦收此規公事我不能辦越數日庫官又請說話云四兩平足下既不收何不帶銀號捐每年約得萬餘金我對以公事公辦銀號自能上捐何必我帶庫內同事六人若各帶各捐亦屬不成事體明辭而暗受我亦不為庫官又無詞不數日有同鄉李某至寓問足下收到任禮否若收各銀號即送來我詢其數若干伊云約七千三節每次亦七千我詢以銀號何故要送禮伊云不還求都老爺勿挑斥我云伊做買賣有錢賄則接捐無錢賄則不接何必如此行求爾可說知各銀號照例是平色上兌則不挑若以少

作多銀色低潮豈不挑耶李某無言而退後有最相好言帶捏  
及託情者皆却之蓋庫官庫丁總欲御史受規伊等作弊不敢  
言此若輩之長技其實庫中弊端亦易查出常說諸君言此項  
是規我說直是弊自己不受陋規收放皆照例辦理卽相好亦  
不徇情如此而已然必認真稽查方能杜弊故人皆以為難我  
在庫每月止收飯食銀三十八兩並將年中所得飯食銀分一  
百兩與車夫跟班不準在庫需索分文如此一收一放嚴密稽  
查外間傳言皆謂此次駱都老爺查庫如此認真難於舞弊其  
實察庫之要總在一收一放須用矮椅坐對天秤查真砝碼不

準庫丁弄手法放項最大總是八旗錢糧秤銀時卽要查驗清楚以防多出之弊此弊雖有尚不甚大收項最多弊如收各省鞘餉尚無弊端惟此捐項與崇文門稅課其弊不可勝言必先打掃銀堂止準銀號一人庫丁二人一上註碼御史當面秤兌不準庫丁壓秤如銀不足尚須添補止準將銀逐錠輕放庫官用椎敲秤須在當中不准旁敲蓋從前收捐多有六七百或四五百作一千者庫項之虧短多在捐款每逢收捐至一二十萬者收畢出庫在炕稍坐則兩目皆炫回寓須睡息半時始能用晚膳勞則勞矣非如此不能祛弊至相好上兌亦不宜徇情愆



潘四世兄之親戚上兌亦曾面託是日伊門上同乾泰號之掌  
事攜銀八百餘兩到庫上兌庫官秤畢言短秤二十五兩我云  
既欠必須補足庫官云此是潘相家人上兌可以作收我云

潘相在庫亦必要補此是公事非私事也其家人云現未有銀  
帶來我云爾說知四少爺如有銀補明日送上庫如不補我代  
補便是却日四世兄即着人送銀到庫補足外間傳言潘相是  
伊老師猶不徇情何況他人此後並無到寓面說之友且我對  
庫官說朋友相記是恐庫丁多收並非欲求短交我持公道不  
使庫丁作弊多收即朋友所託者亦不過如此有一次抽查收

項多十餘兩庫丁云搭錯砵碼我云公事豈能錯卽不辦罪亦須杖責庫官云此等人亦是錦被牙床我云既如此不應當庫丁旣當庫丁自應執官法卽將庫丁重責四十板了事數月以來銀號見庫丁不能作弊不交陋規庫官庫丁毫無出息至灑庫鑿鑿亦不能賒亦困甚矣四月時有一京畿道缺出銀號等約五六人到帥副憲宅求見少爺門上對以少爺向不見客求見何事銀號等云現有京畿道缺出二爺能求大人將查庫之駱都老爺保京畿道送一千銀與二爺送六千銀與大人門上云糊說八道將銀號等人大罵逐出帥副憲官名承瀚回寓問

上以此事告知節副憲云諸人曾留住否門上云已經攆去又問是何姓名門上云未有問其姓名節副憲申飭門上言其不董事說甚麼朔日到院署內都是果以送京畿道稿呈堂恩小山官名桂總憲問某位都老爺俸深都是答云駱都老爺俸最深恩總憲云如此以駱擬正帥云別位可送此位駱都老爺斷不能送若送他是中小人之計將昨日銀號到宅之事說一遍恩云如此真不能送因有此事都中遂喧傳銀號庫丁出銀七千為駱某損京畿道耳嗣後每見潘穆師相皆云爾今年查庫辦得甚好穆相並云爾查庫真是超前絕後我必奏留爾再查

三年於庫項大有益我對云此地一年已經難辦再留三年恐無活人矣穆相云我稽查三庫三年差使時時提肝吊胆獨不難為我乎先是辛丑二月庫官嶸祿放山西大同府伊是穆相晚親臨行時到穆寓稟辭穆相云今爾出庫以後庫上事一無所聞實不放心嶸祿云中堂且放心庫上斷無事現有駱御史稽查事事認真又不受陋規庫丁甚畏他伊在此斷不至有事穆相云回兩平亦不受乎祿云亦不受穆相云真體面此是我門生想不到他能如此自後謁見穆相益見加器重矣從前庫上作弊止是在外截留其權在書辦知庫有盈餘截留解款在

外瓜分此是羨餘之項於公項無短自穆麻子做庫官改過章程書辦止得解費收放盈餘皆歸官丁無數可查虛入盜取毫無節制故短公項亦無可考數

二十一年辛丑 四十九歲

是年辛丑會科派內簾監試二月四女聯珠生七月補授工科給事中十月光祿寺少卿缺保送四科陳光亨李蕪曹宗瀚駁引 見俱未用放右江道下斌

二十二年壬寅 五十歲

是年正月奉

百巡視東城二月出有鴻臚寺少卿員缺科道班台長保送四科

陳秋門官名光亨 曹嵐橋官名宗瀚 朱紹庭官名成烈 李新堂

官名純 四人引 見均未

簡用奉

特旨補授鴻臚寺少卿翌日謝

恩蒙

召見

垂詢汝有不合例否何以不見保奏以臣未有不合例之處此是

由堂官保送上年出有光祿寺少卿員缺臣曾經保送

諭云上年光祿寺少卿汝曹保送又

諭汝曹稽查銀庫現在鴻臚寺衙門無事不比御史之忙汝可擇

日到任三月十一日值日蒙

召見

垂詢汝已到任衙門皆是照例之事每月常到衙門否奏以三六

九堂期始到衙門並

垂詢鄉試主考姓名會試主考姓名房師姓名並

垂詢曾得試差學差否奏以均未放試差學差曾辦庚子科會試

同考官庚子鄉試同考官五月初二日補授奉天府府丞兼學

政當卽具摺謝

恩蒙

召見並訓以約束家人閑防幕友等諭六月起程七月到任八月  
三女在粵出閤是時歲科兩試奉天錦州兩府經前任學政劉  
宜菴先生均已考竣毋庸出棚在署閑住時 盛京將軍禧公

尸部侍郎宗室惟鑒堂官名勒 禮部侍郎明鼎雲官名訓

兵部侍郎道九爺官名慶 刑部侍郎納魯齋官名勤亨額

工部侍郎德遠村官名厚 奉天府尹賡楫川官名福副都統

定住



三十三年癸卯 五十一歲

是年五月考優貢取錄三名并奏請考優貢章程分兩卷分兩場點名奉

旨交禮部議奏部議照准五月十七日奉部文因庫案革職罰賠  
卽於二十日起程六月初九到京暫住楊玉衡衙羅椒生兄官  
宅十四日移寓張相公廟承 禧將軍伍親家及庚子科會試  
門生壬辰同年同鄉各寄到銀兩於十一月三十日共繳賠項  
一萬二千八百兩全數上覓十二月經戶部彙奏二十六日奉  
旨以庶子用二十七日具摺謝